

Nr. 92

13. september 2016

**LÖG
um breytingu á lögum um landlækni og lýðheilsu, nr. 41/2007,
með síðari breytingum (lýðheilsusjóður).**

HANDHAFAR VALDS FORSETA ÍSLANDS

samkvæmt 8. gr. stjórnarskráinnar
forsætisráðherra, forseti Alþingis og forseti Hæstaréttar,
gjöra kunnugt: Alþingi hefur fallist á lög þessi og vér staðfest þau með samþykki voru:

1. gr.

1. og 2. mgr. 4. gr. b laganna orðast svo:

Lýðheilsusjóður hefur það hlutverk að styrkja lýðheilsustarf sem samræmist markmiðum laga þessara, sbr. 1. gr., bæði innan og utan embættis landlæknis. Ráðherra ráðstafar fé úr lýðheilsusjóði að fengnum tillögum stjórnar sjóðsins og í samræmi við reglugerð sem ráðherra setur skv. 4. mgr.

Ráðherra skipar stjórn lýðheilsusjóðs. Stjórn sjóðsins skipa þrír fulltrúar, einn tilnefndur af embætti landlæknis, einn tilnefndur af heilbrigðisvísindasviði Háskóla Íslands og formaður sem skipaður er af ráðherra. Varamenn skulu skipaðir á sama hátt.

2. gr.

Lög þessi öðlast þegar gildi.

Gjört í Reykjavík, 13. september 2016.

Bjarni Benediktsson.

Einar K. Guðfinnsson.

Markús Sigurbjörnsson.

(L. S.)

Kristján Þór Júlíusson.

A-deild – Útgáfud.: 16. september 2016